

Harian metro
23/5/2015
mls 24



Oleh Tan Sri Khalid Abu Bakar

Membanteras aktiviti pemerdagangan orang

Salam sejahtera buat pembaca sekalian, Malaysia sekali lagi berada dalam radar perhatian dunia apabila menahan 1,018 pendatang tanpa izin yang mendarat di pesisiran pantai Pulau Langkawi awal bulan ini yang terdiri daripada 555 warga Bangladesh dan 463 etnik Rohingya dari Myanmar, termasuk 99 wanita dan 54 kanak-kanak. Pelbagai reaksi daripada masyarakat dunia dan warga tempatan dilontarkan terhadap Malaysia, termasuk dakwaan bahawa Malaysia mempamerkan sikap tidak berperikemanusiaan susulan tidak menerima kehadiran mangsa

Statistik Perbandingan Jumlah Kes Pemerdagangan Orang Bagi Tempoh Januari Hingga April 2014/2015

Perkara	Jan-April 2014	Jan-April 2015	(-/+)
Jumlah kes	47	41	-6
Jumlah mangsa (IPO)	257	575	318
Jumlah mangsa (PO)	68	32	-36
Jumlah tangkapan	73	60	-13

Perbandingan Statistik Kategori Eksploitasi Bagi Tempoh Januari Hingga April 2014/2015

Perkara	Jan-April 2014 (Bil. Kes)	Jan-April 2015 (Bil. Kes)	(-/+)
Eksploitasi seks	27	23	-4
Kerja paksa	20	18	-2
Aktiviti menyalahi undang-undang :-			
Penjualan bayi	0	0	0
Jumlah	47	41	-6

sindiket pemerdagangan orang, termasuk ribuan lagi yang dilaporkan menunggu peluang untuk memasuki negara ini.

Krisis kemanusiaan ini yang membabitkan Malaysia, Indonesia dan Thailand, memaksa ketiga-tiga negara mengadakan rundingan bersama bagi tujuan menangani masalah kebanjiran pendatang tanpa izin dan pemerdagangan manusia di Asia Tenggara. Empat (4) perkara pokok yang diendors dalam rundingan kesepakatan berkenaan adalah:-

- Punca utama berlakunya kebanjiran pendatang asing tanpa izin ini harus ditangani bersama atas semangat ASEAN;

- Malaysia, Thailand dan Indonesia akan terus melaksanakan tanggungjawab dan obligasi mereka mengikut undang-undang sejagat dan juga domestik, termasuk menghulurkan bantuan kemanusiaan kepada mangsa terbahit. Malaysia dan Indonesia sudah bersejua menyediaan penempatan sementara kepada mangsa yang ditahan, dengan syarat komuniti antarabangsa membantu proses penempatan semula dan penghantaran pulang dalam tempoh satu tahun. Kedua-dua negara juga bersejua untuk terus menghulurkan bantuan kemanusiaan kepada lebih kurang 7,000 lagi pendatang yang terkandas di laut;

- Malaysia, Indonesia dan Thailand menyeru supaya masyarakat dunia sama-sama melaksanakan tanggungjawab sejagat untuk menangani krisis kemanusiaan ini, termasuk bantuan kewangan dan pengurusan pusat tahanan sementara yang dicadangkan, dan

- Anggota ASEAN harus memainkan peranan yang aktif dalam memerangi jenayah lintas sempadan dengan efektif dan segera, termasuk mencantas sindiket pemerdagangan manusia, demi mengekalkan semangat kerjasama dan

perpaduan ASEAN.

Setakat ini, Tentera Laut Diraja Malaysia (TLDM) dan Agensi Penguatkuasaan Maritim Malaysia (APMM) sudah membantu MERCY Malaysia menghantar bantuan kemanusiaan kepada pelarian Rohingya sama ada melalui laut atau daratan. Kerajaan Malaysia memegang teguh prinsip asas belas kasih sesama insan untuk memastikan mereka yang kelaparan diberi makanan dan air sementara mereka yang sakit menerima rawatan dan bekalan perubatan.

Bagi menangani isu pemerdagangan orang, Polis Diraja Malaysia (PDRM) sudah mengambil pelbagai pendekatan yang holistik seperti berikut:-

- Mengadakan operasi bersepadu dengan Jabatan Imigresen (JIM), Agensi Penguatkuasaan Maritim Malaysia (APMM) dan Jabatan Kastam Diraja Malaysia (JKDM);

- Meningkatkan pemantauan di perairan Malaysia dan pesisiran pantai untuk menghalang pendatang asing tanpa izin daripada menyusup masuk ke Malaysia;

- Mencadangkan kepada mahkamah supaya mengenakan hukuman lebih berat terhadap mereka yang terbabit dalam kegiatan ini dan mengambil tindakan di bawah undang-undang sedia ada;

- Meningkatkan usaha di peringkat antarabangsa seperti kerjasama serantau dan bilateral terutama dengan negara asal mangsa dan negara transit;

- Meningkatkan usaha mendapatkan maklumat risikan berhubung aktiviti pemerdagangan orang; dan

- Menjalin kerjasama erat dengan badan-badan bukan kerajaan (NGO) khususnya National Council For Women's Organisation (NCWO) bagi memberi kefahaman meluas mengenai aktiviti dan kegiatan pemerdagangan orang melalui Majlis

Anti-Pemerdagangan Orang (MA-PO).

Dalam tempoh kajian Januari hingga April lalu, terdapat 41 kes pemerdagangan orang, berbanding 47 kes bagi tempoh sama tahun lalu. Ini menunjukkan penurunan enam kes. Dalam tempoh kajian, jumlah mangsa Interim Protection Order (IPO) adalah 575 orang dan mangsa Protection Order (PO) adalah 32 orang.

Untuk makluman pembaca, IPO adalah Perintah Perlindungan Interim selama 14 hari yang dikeluarkan majistret di bawah Seksyen 44 Akta Anti Penyeludupan Orang Dan Anti Penyeludupan Migran 2007 kepada orang yang disyaki diperdagangkan. Selepas siasatan dijalankan Pegawai Penyiasat (IO) dan kes dirujuk kepada Timbalan Pendakwa Raya (DPP), maka satu Perintah Perlindungan (PO) bagi tempoh tiga bulan dikeluarkan majistret bagi warga asing dan dua tahun bagi warga tempatan di bawah Seksyen 51 akta sama, kepada

mangsa yang disahkan diperdagang. Jumlah mangsa IPO adalah lebih tinggi daripada jumlah mangsa PO kerana mangsa di dalam IPO disiasat dengan terperinci dan selepas disahkan mangsa benar-benar diperdagangkan, maka mangsa dipindahkan selepas mendapat Perintah Perlindungan (PO) daripada majistret.

Sementara itu, terdapat 23 kes membabitkan eksploitasi seks dan 18 kes kerja secara paksa direkodkan.

Warga asing yang diseludup masuk ini adalah mangsa penipuan ejen yang menjanjikan mereka kerja yang sah di Malaysia, tetapi akhirnya dipaksa menjalankan aktiviti persundalan (eksploitasi seks). Ada juga dalam kalangan mereka ditipu dengan upah perjalanan yang murah dan selepas sampai di Malaysia, mereka dipaksa membayar kos perjalanan yang tinggi. Akhirnya, mereka bekerja secara paksa dengan gaji yang tidak setimpal

atau tidak dibayar gaji langsung bagi membiayai hutang upah perjalanan berkenaan (kerja paksa).

Dalam tempoh kajian, jumlah mangsa yang diselamatkan di bawah IPO adalah 575 orang, terdiri daripada empat lelaki dan 571 perempuan, termasuk lima mangsa bawah umur. Dalam tempoh sama jumlah mangsa yang diselamatkan melalui PO adalah 32 perempuan, termasuk seorang mangsa di bawah umur. Sementara itu, seramai 60 orang sudah ditangkap kerana disyaki terbabit kes pemerdagangan orang, di mana 48 orang adalah rakyat Malaysia iaitu 37 lelaki dan 11 perempuan.

Pembaca budiman, Laporan tahunan yang disediakan US Department of State (USDS) bagi tahun lalu meletakkan Malaysia di Tier 3 iaitu dalam kategori negara-negara yang tidak memenuhi sepenuhnya standard minimum Akta Perlindungan Mangsa Pemerdagangan, tetapi mengambil langkah-langkah untuk memperbaiki dan memantapkan usaha untuk memerangi jenayah pemerdagangan orang.

Dalam Laporan USDS 2014 itu, 31 negara diletakkan pada Tier 1 (terbaik), 89 negara di Tier 2 (Peringkat 1), sebanyak 44 negara di Tier 2 (pemerhatian) dan 23 negara diletakkan pada Tier 3. Malaysia sudah jatuh daripada Tier 2 kepada Tier 3 pada tahun lalu.

PDRM sebagai agensi peneraju dalam usaha melumpuhkan kegiatan pemerdagangan dan penyeludupan orang, amat optimis dan akan melipat gandakan usaha untuk mengembalikan Malaysia ke Tier 2. Insya-Allah, dengan kerjasama semua pihak, termasuk hubungan dan kolaborasi dengan agensi penguatkuasaan tempatan dan serantau, isu pemerdagangan orang ini dapat ditangani lebih efektif.

Penulis Ketua Polis Negara

Tangkapan Mengikut Pecahan Warganegara Yang Diselamatkan Bagi Kes Pemerdagangan Orang dari Januari Hingga April 2014/2015

Warganegara	Januari-April 2014				Januari-April 2015				Perubahan	
	Perempuan		Lelaki		Perempuan		Lelaki			
	Insya	Siapa Insya	Siapa Insya	Siapa Insya	Insya	Siapa Insya	Siapa Insya	Siapa Insya		
Vietnam	3	0	0	0	3	0	0	0	0	-3
Thailand	0	0	0	0	0	1	0	0	0	1
Indonesia	1	0	0	0	1	1	0	0	0	1
Filipina	0	0	0	0	0	0	0	1	0	1
Myanmar	1	0	1	0	2	0	0	5	0	5
Jordan	0	0	1	0	1	0	0	0	0	-1
India	0	0	5	0	5	0	0	4	0	-1
Malaysia	12	0	45	0	57	11	0	37	0	-9
Nigeria	0	0	3	0	3	0	0	0	0	-3
Syria	0	0	1	0	1	0	0	0	0	-1
Jumlah	17	0	56	0	73	13	0	47	0	-13